

四庫全書

集部

欽定四庫全書

皇清文頴卷首二十四

御製詩

五言排律

御賜書經傳說彙纂恭紀二十二韻

帝治布寰瀛天心佑永清奉三宏建極得一允居貞禮
樂觀明備詩書悅性情石渠掄碩彥天祿聚羣英謂是
典謨語由來齊治程先朝曾纂輯今日重修明諸子收

精粹羣言費品評孔門傳伏氏漢代著康成自合抽絲
細非如聚訟爭紫陽經校定仲默幾研精多士承

明命儒臣殫悃誠干窓几上列乙夜案頭橫幾歲青藜
照逾時全璧呈奎文光有蔚

聖語奧難名非僅筌蹄得將俾天地平惠民符保赤卜
相法調羹佑起明良盛栽培宅俊宏千秋傳治典萬國
仰躬行喜荷縹緗

賜恩叨雨露榮臚陳明國是往復繹歌賡識淺難窺秘

心虔等捧盈從知文治化海宇慶同聲

九日講武恭紀

四海徧雍熙三秋閱虎羆代當全盛際節應大蒐時
日月中天麗旌旗曠野麾軍容森甲冑坰牧物黃驪
爽氣浮仙仗卿雲映

御帷虎賁爭蹻蹻戎御盡師師拂劍霜華動彎弓月影
披馬嘶黃菊野鴈過白雲陞組練生光焰衡鑣中式儀
九宮羅畫戟六甲載雲旗舞鍔遊絲裊穿正閃電馳古

來歌七德今日炳重離

聖治輝千載

天威震四夷

鑾輿歸紫極扈從詠周詩

闕里祭器新成

賜觀簠簋銅登豆爵六色恭紀八韻

代啟文明炳崇儒

聖道光

皇心欽日月禮器備宮牆舊譜稽成式新圖發尚方斑
斕紛有耀簋簠列成行

頒示來三殿傳觀遍兩庠涵光呈玉質絢綵燦金相萬
國同文軌千秋肅典常從茲先後聖一揆頌吾

皇

石髮

帶縷浮春碧漪漪貼石初隨波翻髻亂依藻漾流舒綠
水供朝沐輕風當晚梳影窺慚浴鷺絲蔓礙游魚鏡裏

青春永仙家甘露虛何須嘆霜鬢即此萬年餘

恭奉

皇太后恭謁

孝陵

景陵敬成長律

扈蹕馳千騎鳴鸞駕六飛紹先思

祖德色養奉

慈闈爽氣催征轡霜花散晚暉有秋歡里巷鼓腹遍郊

圻松栢森元路雲霞護玉衣
聖主承凜凜

冠劍仰依依
言念開千古
憂勤萃萬幾
維清欽陟降
瞻拜重獻猷

南苑大閱謁元靈宮宮是

皇曾祖世祖章皇帝建也敬依

皇祖聖祖仁皇帝韻以誌敬仰之忱時冬至月朔日

閱狩金輿駕鳴騶赤羽翔千官分鷺序萬姓仰龍光
雪積平原白泥鋪御道黃翠華來別苑初地散天香杳靄

雲生路蕭森松泛涼星辰圍斗宿丁甲護虹梁屏念瞻
瑤殿虔心禮素王若臨欽在上作極愧惟皇祇以紹庭
切何能與物昌律身懷監史敷化體

穹蒼文德猶慚未武功不敢忘菟苗遵古制逸豫戒禽
荒簇簇雲屯盛悠悠霧旆颺一陽初應律三白已呈祥
漸覺條風扇新添麗日長覲揚吾未逮布治願平康

庚申仲秋丁祭

先師孔子

法

祖恢文德崇儒禮

素王晨光開輦路露氣浥旗常寅祀心恒凜丁辰日正
陽皇皇陳禮樂肅肅對宮牆言念百王後身登

夫子堂君師誠有愧仰止志方長

恭閱

太祖

太宗

世祖

聖祖

世宗實錄聖訓告成敬紀五言排律二十四韻

豐沛貽謀遠

天人應德同明綱方掃地

帝顧寶維東用淨機槍氣徐開闡闔風庥凝

皇有極德厚

祚無窮開創駕千古驅除僅一戎三韓恢舊業萬國仰

重瞳爰布明堂令方吹嶰谷筒順時敷巽命馭物凜
乾衷徃者滇南亂曾煩八陣攻運籌盡伊呂奮力總罷
熊奏捷憑邊將

頌恩自法宮平成歌

聖德熙皞戴

神功道洽陰陽序時清禮樂崇詩書延俊秀

恩澤被昆蟲茹拔交成泰芒銷象應豐戎行甲沾酒村
婦乳孳童六十一年久

皇王帝治隆春秋旋氣運張弛協

蒼穹日昃猶

勤政民安更省

躬懽呼遍白叟聲教屆烏蒙緬想承

光烈端維予幼冲紹

庭勵初志推斗賴羣工成憲猶堪鑒孚誠或可通永言
欽

陟降勝似拜崆峒

辛酉仲春耕藉

布政宜敦本當春乃勸農良辰耕帝藉膏雨遍畿封輦
路華旌映城闐瑞靄濃

明裡先致享

神格益滋恭耒耜青箱列公卿法服從三推親竟畝百
室願如壙

皇考貽謀烈齋宮著肅雍無須陳夏諺即此仰堯蹤

三秋時序萬寶告成命駕出口巡狩遵

祖制也經過州縣百姓扶老携幼歡呼夾路閭閻之間
戶有蓋藏場多稊穗深愜朕志爰下詔蠲免田
租以示嘉惠元元之意

武備由來重時巡意更深當秋排法駕豫日足甘霖旭
耀旌旗影風傳鼓角音停鑾問農事獻曝見民心戶有
倉箱積人多樂豫吟輿情猶似昔

祖德到于今解澤心無吝紹

庭志倍欽茲行當黽勉詎止為從禽

常山峪行宮

憶昔髫齡際趨陪

聖祖前於今巡幸至駐蹕故宮邊湛露曾叨澤含飴想
侍

筵秋風悲此日軒屋尚當年鳥語如懷舊花香故逞妍
恩勤終古慕承顯一身肩

再疊前韻

經國猷垂後承家志繼前三秋修武備萬乘閱嚴邊勝

地停鑾御離宮啓玉筵欣逢無事日喜觀有秋年插笏
峰爭秀披圖景鬪妍永懷

無競烈景仰懼難肩

至博羅河屯四十八旗諸蒙古王等來接

天恩歌有歲

祖澤賴無窮巡狩三秋日趨承萬里風歡聲毳帳合佳
氣幔城通來享同遐邇咸賓混外中誠輸陳厥篚燕賜
詠敦弓永念覃敷慶懷柔倍惕衷

散館試庶吉士賦得春蠶作繭

得咸字

蠶事當春月辛勤婦女咸候時鳴上下入戶燕呢喃松
火燃村舍條桑採谷巖浴川身乍潔食葉口方饒起箔
新蛾長承筐素手摻三眠類慵懶八繭似封緘漫比抽
思巧堪知為政凡新絲還待賣慙愧著袍衫

賦得望雲思雪意

同雲方出谷釀雪欲漫空未辨瓊英白先藏義御紅流
恩歸橐籥協氣漸冲融潤逼梧堦側香回梅塢中停驂

祝屏翳節玉候豐隆望裏寒原肅祈年願不窮

賜江南總督尹繼善之任

淮沛今何似災餘不忍言邇來闕二黼誰與辦三殮敢
靳司農帑還祈大造恩當春應舉趾積潦尚留痕民瘼
遐觀在心憂夢想存勉伊經畫策為我活黎元

雨

和氣當春洽甘膏傍晚零初飄千點白乍失萬峰青妙
洗桃心膩平添杏蕊馨新疇渾可望疎竹却宜聽生意

資沾漑烟容接宵冥漲痕侵碧沼綻萼照紅樞樂豈緣
花圃情應寄麥町欣承明賜溥惕若對圓靈

賦得折檻旌直臣

五言排律八韻得交
字試翰詹諸臣題

玉繩低鶴禁朱鳥煥螭坳鸞扇非烟散鴛班委珮敲佞
臣方唯唯直士獨嘐嘐自具松筠操難容涇渭淆撓龍
鱗豈怯折鹿角曾摻奚用檻重輯還同罟不拋納忠餘
宿將介節嘆征茅企想都俞世盈廷喜泰交

夏至齋居即事

黼扆遷常座明堂闔左扉撫辰懷嬪代勅命凜時幾北
陸將依晷南薰漫叶徽蕩暄風習習燭鬱旭暉暉齋處
封章少遙聞晝漏稀敢期誠意假因驗道心微

避暑山莊為

皇祖臨幸最愛之地亦孫臣受

恩特深處也八年秋謁

陵便道駐蹕數日曷勝今昔之感詩以誌弗忘云

軒墀敬

御園草樹靜高原遊豫思

仁祖庥和逮孝孫

橋山將爵爵玉館此停轅
罨畫山容在修蛇電影奔
禽言欣客至蛩語訴秋繁
堦篆苔紋暗碑詩釵脚存
聖踪猶可想東曲向誰論
倍切乾乾志虞孤

覆載恩

靜夜讀書

虎帳無多暇書林趣轉嘉
研精當夜靜息慮忘塵譁
別

是中秋景依然舊月華陳編同汲綆精義喻披砂
銀檠燭香生玉椀茶何須吟出塞四海久為家

興京

姬室于幽日炎劉起沛時

一人方締造四海遂為基皇澗猶然在臯門尚可思
屏藩堪示固宮室不言卑往者爭雄際同歸

出衆姿秋風經故國膏雨遍新陂父老迎鑾馭材官衛
羽旗初來猶切切欲去更遲遲言念

皇圖纘端維

厚德垂凜乎同御朽告我後人知

過廣寧望醫巫閭山恭依

皇祖聖祖仁皇帝元韻

海旭凝螺黛罡風削玉蓉靈竒經覽乍

聖蹟躡尋重過客羣停轡仙人迥矗峰

是山有仙人巖桃花洞聖水盆

北鎮廟諸竒勝

徒思山側徑未撫寺前松萬古為幽鎮千秋溯

舜封崇功標地紀秩祀偶天宗巖薛疑騫鳳嶢峴突連

龍盈眸欣積素步馬遲婁胸

山海關恭依

皇祖聖祖仁皇帝元韻

取豫嚴扃鑰思蒙拓海邊耕桑三輔接形勝兩京連羽
衛初冬度期門曉漏傳

橋山瞻此日

龍步想當年列獻餘晴雪遙林散曙烟迎眸渾似畫撫
序正為權事異九封谷心期舟濟川拳拳思在德

大訓更昭然

在德誠非易臨風更慨然
皇祖詩句也

登海樓聯句

乾隆八年十月十六日自盛京歲事還京道入渝關
登澄海樓望海雪霽千峰波明萬頃天容海色洵屬
奇觀時張照梁詩正侍從因與聯句凡字畫涉水部
者概不用仿歐陽修咏雪禁體也

御製

康回昔憑怒使地東南傾太始本無始

常盈是不盈雙丸出其裏元氣鼓為營島嶼貌拳

石

臣張照

御製軒樓敞繡甍龍蔥疑貝闕彷彿見瑤京鞭石橋終斷

噓烟市乍更星槎何處轉鼇柱若為擎邈矣端倪

豁

臣梁詩正

御製雄哉氣象崢嶸禹功思四載秦業剝孤城萬壑朝宗比

纖珠茹納并由來無寸土亘古只空明直上到天

險

臣張照

御製橫陳據地振目迷光晶皓耳駭聲砰轟精衛填難盡

長虹駕可成三壺遠縈帶重舉銷飛鯨賦美木華

博

臣梁
詩正

御製吟推玉局英平鋪歷劫雪喜遇初冬晴望歎曾聞若

來遊誰逐靖內光含煜煜陰火涼熒熒絕域隨風

達

臣張
照

御製方諸應月呈坎重不失信天一乃居貞比樂韶觀止

如山聖景行空傳香象踏謬執窄蠡評有以謙能

受

臣梁
詩正

御製虛將白自生苞乾恢度量吐日煥晶瑩永奠寰區宴

仙鄉底問程

秋日奉

皇太后遊玉泉山周覽西海近郊獲事即景賦詩十四

韻

降豐欣此日行令及茲辰

香輦周田陌嘉禾滿鹿困千官承罕畢二黼切咨詢

堯舜應誇宋

宋宣仁太后人稱女中堯舜

風詩或比豳繫予德菲薄

懿教勉遵循忝在士民上能忘飢溺親逢年

慈願洽愛日永懷中別館晴霞際仙槎野水濱鶴容千
歲古菊酒一樽醇錦障排丹樹紗疏面碧岫無央鸞鳳
隊極樂

靜常身雲寫波中影山留畫裏真忘言祛俗遠即景得
題新處處陪

歡豫秋光總是春

乾隆九年十月重葺翰林院落成車駕臨幸錫宴

送大學士掌院事鄂爾泰張廷玉進署以張說
東壁圖書府五律字為韻賦東字音字二首勅
諸臣各分一字賦詩

撫序權居北占星壁在東斯干歌翰苑於樂鬯儒風改
殿當年異登瀛此日同三台司道筦二老亮天功樂具
卿雲奏筵開湛露融底希光舊史長此贊微躬

木天臨翠輦駕侶集華簪廣學心常切因文道可尋橫
汾陰豈昔來泮水猶今禮樂於焉盛觥罍取次斟詩慚

得珍字辭喜獻官箴返轡重城暮猶聞歌誦音

觀象臺

奉若欽

維顯研幾凜曰明瑤樞調律紀珠貫驗

天行翠輦臨黃道星臺據月城渾儀觀建象神器惕持
盈命義仲和叔在璿璣玉衡授時熙庶績敢恃泰階平

七言排律

辛亥仲春

上幸豐澤園演耕藉禮

上躬四推

命臣等終畝恭擬應制十韻

大地陽和淑景韶
潛蘇土脉應風條
鴻鈞普扇百昌序
大造均舒萬物調

翠輦臨耕旗閃爍

金輿載駕玉鏤雕
行行西苑停鑾輅
泛泛天池盪畫橈
帝耒四推膏壤沃

皇躬一燠甫田遙先期已見寅恭懋終畝還思教澤饒
種布期生連理穗壠開願長九歧苗追思

聖祖觀耕地却值吾

皇演禮朝豐稔歲功九有遍太和景象萬方昭放勲久

頌

堯功茂協帝重瞻

舜德超

賦得山雞舞鏡

七言排律十
二韻得山字

名禽聞說來荆國舞向菱花意轉嫺寶匣乍開看皎潔
雕櫳初對訝欄珊娉娉應節疑張錦娘娜含姿半髣髴
小折腰時文綬亂大垂手處絳綃殷光懸桂窟虛堂畔
綵絢霓裳夕照間顧步多應憐藻耀呼朋好試語間關
詎同鷗鳥羣驚客却比佳人自惜顏雲翼罷梳還獨立
星眸回盼許雙攀一奩水月平分影幾隊鸛鸞共接班
只為空明矜矯翅便教飲啄忘棲山風翻翠帶簷枝亞
春暖重茵砌蘚斑欲擬當前誇綽約可知箇裏本舒閒

謁

陵禮畢車駕入盛京得七言排律十四韻

羣山萬壑總朝東王氣為龍鎮鬱蔥白水壽邱名不減
作豐遷鎬事應同

當時提劍安黔首此日垂衣逮藐躬
延佇關山千里外每懷瞻拜八年中
商飈送爽清馳道疊嶂排青列遠空
上將隨車金麗輶名王執轡玉璫瓏
行宮視膳邀慈豫故國旋輿仰

祖功只為上

陵思馬鬣豈緣校獵賦車攻六飛因幸興王里百辟咸
朝慶善宮訐訐稱觴來故老不教警蹕駭新豐葛燈綃
帳猶餘儉執豕酌匏許獻衷華曜景中鸞扇動若非烟
裏鴨香融予虞育夏

天心眷篤祐依京

帝謂通萬禩

皇清綿寶祚扶桑初日海門紅

五言絕句

裁衣寄從軍者四首

玉關天氣涼六月已飛霜驚理篋中素寄與遠行郎
長短尚如初寬窄想非舊那堪孤燈下縫紉聽寒漏
中庭度金風絨刀著手冷歎息厚裝綿行將寄雪嶺
裁衣何所願願郎早樹勲郎為萬戶侯妾作郡夫人

平湖雨渡四首

一堤楊柳樹數里白蓮花細雨霏霏處輕舟泛若耶

烟雲暗遠天獨坐孤篷裏颯然風滿湖衣履皆寒水
細雨滿湖秋扁舟泛碧流平分詩景去恰有一羣鷗
掛帆風力健不須盪雙櫓遙望翠微峰濛濛亂烟雨

古意四首

春老金條脫塵生玉鏡臺分明陌頭望不自陌頭來
明月入高樓上有綽約人只見樓中秋誰知樓外春
熏爐炷水沉拜月衣裳冷拜起步階陰桂香弄寒影
青青楊柳枝淡淡和風吹忽見一枝折無情復阿誰

問春風

藉爾催春益無勞妬艷枝
入園應檢點莫使一般吹

春風答

吹萬本無心更番豈有意
一需一疾間為風誠不易

鳴玉瀨四首

無風松謾謾有月金撚撚
玉女洗頭盆瀉作芙蓉江
林麓自瀟灑烟嵐多變態
飛流下十尋砉然玉珠碎
長虹飲素練圓潭澄見底
時來聽清泠塵念一以洗

澗壑誠沈寥松篁復蕭颯把筆坐石頭林泉相問答

常山峪行宮八景八首

綠樾徑

灌木盤山腰濃陰日翳翳豁開壺中天迥異人間世

虛白軒

虛室能生白一氣常函三閒情空外寄妙道箇中參

青雲梯

青雲信有梯丹崖暫延佇鹿豕出翠微逢迎務光侶

楓香阪

清吟步修阪衣袂泛秋涼金風颯然過微聞山楓香

蔚藻堂

花木暢生意大地蔚菁藻忘言入靜觀忻然愜懷抱

如是室

如是如是室坐對清秋山遊山室中人不費往與還

翠風埭

野木不知名雨後增新翠誰云塞北山却有江南致

凌霞亭

危亭構峰頂面面青嶺呀踏石片雲飛去作天邊霞

玉泉六首

玉泉此為源泉源豈即此試問所從來只此一勺水
玉名玉豈真泉名玉尤幻而我對玉泉如是幻真玩
石髓澄堪漱烟蘿綠可捫雨後溪流急山根帶漲痕
暴漲退亦急垂柳絲餘濕惟茲有本泉終古長潺潺
潺溪愜靜聆清泚供幽眺心與境俱適何必蘇門嘯

趵突聲猶狀匡廬匪當對垂虹舊傳名吁嗟耳食輩

玉泉蓋趵突也非如香爐瀑布可以垂虹此擬舊為八景之一蓋昔人未至此地想像名之者然靈源獨涌渾濶攸資則信帝京佳勝也

六言絕句

恭題鳳仙石竹畫冊二首

冷露暗滋秋草著花紅紫成堆小鳳貪餐竹實合教一處同開

絡緯送秋聲至蜻蜓弄影風涼幽卉一叢舒艷都來石

畔尋香

七言絕句

將獵南苑檢點所携書籍

天高秋氣肅郊坰南苑將除信宿停
檢點行騰整書籍
不因郊獵廢談經

三月十三日隨

皇父駕幸圓明園五首

春園初見百花開日午欣隨

御輦來纈錦蒸霞呈麗景東皇雨露好栽培

最是蓬萊浩蕩春東風如剪物華新裙腰草合平於毯
滑笏溪流色似銀

邇來甘雨潤苗新走馬天街絕點塵試策金鞭回望處
翠條如染拂行人

黃繖當中映午暎

太平天子幸春園靈臺靈沼同民樂夾道齊呼萬歲尊
御爐香暖惠風晴日映墀頭喚上卿不是物華供玩少

殿顏勤政意分明

柳溪垂釣

傍岸青青一帶遙
玻璃鏡淨拂烟條
持竿不為貪鱸膾
天水空明萬慮消

從軍行五首

三邊烽火照軍營
十萬丁男夜練兵
但使腰間懸寶劍
丈夫何處不成名

辭家萬里路迢迢
龍虎軍中夜擊刁
底事成功如約早

將軍聞是霍嫖姚

夜戰洮河馬不嘶無邊殺氣與雲齊
偷閒一枕金戈卧半是人膏半是泥

二十三番月缺盈君王恩重致身輕
轅門試射誰穿的十萬軍中最有名

戍兒約計看刀環對鏡新驚髮半斑
不是親擒生頡利何顏復進玉門關

冒雨尋菊二首

秋雨霏霏碧蘚滋閒情今日步東籬不知冷夜寒朝裏
開到西風第幾枝

我愛秋來菊蕊開天工偏為洗塵埃倚欄閒咏衣衫濕
應是纔從籬畔回

村墟夜春二首

霜落園林時屆冬稻梁全獲罷三農田家作苦無休息
更聽村墟半夜春

萬籟全收夜已分寒春聲急隔窓聞高齋識得豐年景

篆裊爐香獨自焚

盆魚二首

圓池蓄水不須寬
依藻文魚自覺安
待到夜深微雨滴
跳波還似躍層瀾

綠荇青萍可避陰
一泓滿貯足浮沉
箇中也有相忘樂
不羨滄浪萬丈深

題元祐黨人碑

元祐清流號濁流
黨人鐫石石遺羞
祇今欲補名臣傳

猶喜殘碑姓氏留

過淋河

憑催詩思客途過得得輕蹄踏嫩莎
拂面春風三十里
一灣新碧小淋河

夏日書懷

宮柳陰濃殿閣深
冰燭不受暑來侵
南風未解吾民愠
慙愧蒼生愛戴心

秋日奉

皇太后駕幸南苑即事六首

虞人建幟甸人隨南苑秋清好獵時閱武此來兼省飲
香風餅餌拂旌旗

萬物熙和大造中郊原輝映苑門紅承

歡仰識

慈顏豫祗為

天恩錫屢豐

羽衛森翹出帝城順時清蹕此巡行金吾底事頻傳警

便欲周知閭巷情

扈從長承

愛日暉五雲高捧鳳輿問

安戶外親調膳手射郊原鹿正肥

離宮月影透書窗法曲時聞畫鼓從題柱吟餘思往事
不知絳蠟爇銀缸

從來稽古戒禽荒宵旰勤勞敢刻志懽樂正饒還止輦
屬車侍從有東方

郊外即事三首

三秋野景寥天迥一抹斜陽晚照明
最是豐年饒氣象
村村社鼓慶西成

霜落平原好合圍無心從獸玉鞭揮
愛觀富有千村景
兩字探原食與衣

郊圻犬吠雜雞號策馬霜華點素袍
收穫纔完仍播麥
田家四季總勤勞

山田三首

禾黍芄芄遍嶺巔
停鞭欣看有秋年
版圖可識同遐邇
塞外荒山盡闢田

高原宜黍稻
宜低物土耕
桑塞外齊茶
幔酒旗山抱塢
軟沙濕草水鳴溪

舊代長愁烽火驚
於今此地有人耕
混同中外皆天澤
倍切乾乾保黍情

灤河捕魚二首

野灘片片起鴛鴦
盪槳中流樂意多
髣髴江鄉三月景

西風紅葉小灤河

灤河水自上都流順水行如風送舟最是關仝得意筆
蒼山野渡正初秋

出塞雜咏九首

雕輿繡羽颯金風曉發都城旭影紅十部簫韶翻似海
三千車騎氣如虹

邊關峰色翠芙蓉萬古隄防笑祖龍守德由來勝守險
金湯禮義是提封

靜夜離宮月在窓
獨裁章奏爇金釭
鴈鳴遠浦傳霜信
人過孤村引吠羗

極北山高近紫微
片雲常作雪霏霏
黃羊白鹿鋪平野
好試今秋第一圍

龍沙八月似冬初
獻賦長楊滿屬車
最愛楓林新似染
折來題句手親書

鐵騎番兒鴈字排
霜鋒掌樣淨磨揩
新豐空有如澗酒
辜負當年白鼻騮

平明雨洗屬車塵
蹀躞驂騑稱意馴
濯濯烟鬟看黛重
萋萋麥壠愛青新

青兕黃牛滿澤原
欣看天餉助歸轅
戍兒夜半吹羌笛
此日春風度玉門

時巡詎止閱邊關
喜見年豐一解顏
搖颺翠華佳氣滿
都中爭道六龍還

北郊禮畢回圓明園道中作四首

薰風應律調元化
膏雨知時利夏耕
不獨公田霑渥澤

一花一木總敷榮

繒燎光中葆吹聞迴瞻黃幄氤氲樓街步出仙韶引
槐柳陰濃綠似雲

黃繖朱旂鳳甸隈屬車劍佩有鄒枚天公賜與迎梅景
繡陌青蔥絕點埃

垂楊十里窳青絲警蹕聲中駕六飛最愛霑衣朝氣潤
輕雲猶作雨霏霏

射獵南苑卽事六首

韎韐橐鞬列羽林當秋文囿偶經臨承平詎肯忘戎事
萬戶饑寒更惕心

翼翼堆場皆早秣累累懸架足秋壺幽風底用丹青筆
十里煙郊入畫圖

北紅門裏仲秋天爽氣游絲拂錦韉行過鴈橋人似畫
踏來芳甸草如煙

南苑宜秋宜獵時禾香風滿赤鸞旗少年熟讀相如疏
每至歡娛鑒在茲

榆槐黃染野花殷策渡時過水一灣千朶青蓮萬章錦
却教人憶塞中山

省耕省飲古曾聞望處西成意亦欣漫把豐年容易看
幾多憂慮厯宵分

春水泛舟

綠浸樓臺水底明春湖初試一舸輕誰云鷗鳥無心者
也向汀洲續舊盟

清明後一日漫作二首

湖山佳致暖烟饒稚綠
媽紅態鬪嬌看罷紙鳶嘗過
酩閒吟准脩送春朝

東風吹綻含胎蕊喜攬芳華
入吟裏溪畔刺舟還悵然
已有落花貼流水

郊行三首

蕎尚青青黍欲黃金風時送
粥饘香翠華搖曳纖塵淨
歡切郊行十里強

野老扶兒望六飛停鞭問處
話依依金吾莫謾頻呼蹕

一向籌伊凍與飢

滑笏溪流曲抱村遊絲白日靜秋原村翁不識鑾輿過
跣足科頭倚華門

塞上行五首

昔年今日此龍沙中外情聯久一家幾處荒荆餘敗壘
千秋興廢繫懷賒

露浥烟蕪欲作霜午衣猶熱曉衣涼皇州此際殘蟬咽
已見南飛鴈一行

馬足馳驅踏馬鞍迴看天外矗槍竿山靈有問如何答
前歲詩盟未敢寒

丹楓翠栢妙山容野墅溪村也間逢最是牧羊估馬客
于今都識重良農

葆吹聲聲傍晚撻羶廬倚咏剪銀缸春風已度榆關外
漫唱涼州水調腔

臘月二十一日立春擬春帖子三首

臘鼓撻撻奏雅寅不須人日始成人

盧仝人日立春詩
今朝方始覺成人

金屏玉帖迎青令甲子中元第一春

銅渾欽驗八風調喜綻宮梅白玉條更進詞臣春帖子
筆花飛處總含韶

圓蓋推遷信有靈璇杓德晷已移星今年詩卷增顏色
兩度紅牋咏始青

春日郊行雜咏八首

易水東頭涑水西寒蕪遠樹總淒迷馬知人意歸蹄懶
一片白雲山與齊

山村水郭灑然清不必前途借問程
古寺閉門無客叩
春田經雨有人耕

遠峰層疊矗新螺點點牛羊恣寢訖
扶杖老翁中社酒
東阡歸路醉顏酡

柳色遥黃近尚無拂春著意幾株株
溪橋一帶房山路
最似詩中西子湖

花朝前後景可憐花心柳眼爭新鮮
兒童底把春光趲
未至清明放紙鳶

我聞潭柘祇園美初到原如久佳人却笑闍黎無好句
頻翻貝葉說根塵

韶麗風光二月時新晴最可雨尤宜看耕不覺遲歸轡
西日銅鉦拂綵旗

掩映耕雲種雨家金吾行處不教譁幽風圖畫誰傳得
海子門西十里斜

雲罩寺留題三首

訝底層雲不盪胸山靈為我闢雲封開窓四面延奇趣

萬疊屏風削玉蓉

高入天風頗萬尋
登臨信可散幽襟
常時畫裏遙觀處
獨據匡牀自在吟

林霧谿嵐眼底浮
風鈴語我少淹留
非關勝處誇新句
祇恐荒唐負此遊



皇清文頴卷首二十四